

唐

詩

歸

唐詩歸卷第二十六目錄

中唐二

韋應物

擬古詩

奉同郎中使君郡

齋雨中燕集之什

城中卧疾知閭薛

二子屢從邑令飲因以贈之

聽嘉陵江水聲寄深上人

贈李儋

發廣陵留上家兄

兼寄上長沙

秋夕罷還途中作

謹獻壽春公黎公

善福精舍示諸生

寄柳州韓司戶郎中 寄全椒山中道士

送令狐岫宰恩陽 答暢校書當

暮相思 授衣還田里

林園晚霽 登西南岡卜居遇

雨尋竹浪至澧墉縈帶數里清流茂樹

雲物可賞 觀田家

遊開元精舍 東郊

澄秀上座院 曇智禪師院

幽居 寓居永定精舍

對春雪 種藥

種瓜

送別覃孝廉

送隗廣落第歸揚州

秋夜寄丘二十二

員外

酬令狐司錄善福

精舍見贈

答東林道士

盧綸

同吉中孚夢桃源

送顧秘書獻書後

歸岳州

送姨弟裴均尉諸

暨

送渭南崔少府歸

徐郎中幕

春日山中憶崔峒

吉中孚

首冬寄河東昭德

里書事貽鄭損倉曹

偶宿山中憶暢當  
宿程上人院

題李沆林園  
過司空曙村居

秋夜同暢當宿藏公院

同薛存誠登棲崑寺  
送夏侯校書歸華

陰別墅  
虢州逢侯釗同尋

南觀因贈別  
酬李叔度秋夜喜

相遇因傷關東寮友喪逝見贈

代員將軍罷戰舊里贈朔北故人

秋暮中夜獨坐遲明因陪陳翊郎中晨謁

上公因書即事兼呈同院諸公

和李舍人昆季詠冬瑰花寄贈徐侍郎

晚到盤屋耆老家  
和李中丞謝萬年

房署少府過汾州景雲觀因以寄上房

與李早年同居此觀

送吉中孚校書歸楚州舊山二首

送暢當還舊山  
古艷詩二首

顧况

在滁州雨歸桃花崦傷親友畧盡

弋陽谿中望仙人城  
烏啼曲

范山人畫山水歌

李湖州孺人彈箏

歌

李供奉彈箏箎歌

春草謠

露清竹鞭

田一章

山僧蘭若

唐詩歸卷二十六目錄終

唐詩歸第二十六卷

景陵

鍾惺伯敬父

選定

譚元春友夏父

古吳劉牧典生父重訂

中唐二

韋應物

鍾云韋蘇州等詩。胷中腕中。皆先有一段真至深永之趣。落筆自然清妙。非專以淺澹擬陶者。世人誤認陶詩作淺澹。所以不知韋詩也。○譚云總是清之一字。要有來



歷不讀書。不深思人。僥倖假借不得。

○擬古詩

神州高爽地。遐瞰靡不通。寒月野無綠。寥寥天宇空。陰陽不停馭。貞脆各有終。鍾云至理。汨沮何鄙儉。考槃何退窮。反志解牽跼。無爲尚勞躬。美人奪南國。一笑開芙蓉。清鏡理容髮。寒簾出深重。艷曲呈皓齒。舞羅不堪風。慊慊情有待。贈芳爲我容。可嗟青樓月。流影君帷中。

鍾云看無爲尚勞躬之下。卽以美人奪南國一段接之。若斷若不斷。真是古詩氣脉。

知之者少。

○奉同郎中使君郡齋雨中燕集之作

好鳥依嘉樹，飛雨灑高城。況與數君子，列座分而  
楹。文雅一何麗，林堂含夕清。我公未歸朝，遊子不  
待晴。鍾云：口齒歷歷然。白雲帝鄉遠，滄江楓葉鳴。拜手欲  
無言，零淚如酒傾。寸心已摧折，別離方骨驚。安得  
凌風翰，肅肅實天京。

○城中臥疾，知閻薛二子屢從邑令飲，因以贈之。

鍾云：非不和平，說到世情逼人處，亦自慊。

慨不覺。

車馬日蕭蕭，胡不狂我廬。方來從令飲，臥病獨何

如。鍾云婉而嚴。秋風起漢臯，開戶望平蕪。卽此恹音素，

焉知中密疎。渴者不思火，寒者不求水。人生羈縻

時，去就當如此。猶希心異迹。譚云三字妙。交道中惕然。眷眷存

終始。

○聽嘉陵江水聲寄深上人

鑿崖泄奔湍，稱古神禹跡。夜喧山門店，獨宿不安

席。水性自云靜。譚云水何嘗自云妙妙。石中本無聲，如何兩

相激。雷轉空山驚，胎之道門舊。了此物我情。鍾云覺中

無領會如何  
唯得此語。

○贈李儋

鍾云情。深。近。古。

絲桐本異質。音響合自然。吾觀造化意。二物相因緣。誤觸龍鳳嗚。靜聞琴夜泉。心神自安宅。煩慮頗可捐。何因知久要。絲白漆亦堅。

○發廣陵留上家兄兼寄上長沙

將違安可懷。宿戀復一方。家貧無舊業。薄宦各飄颻。執板身有屬。淹時心恐惶。并言不得留。聲結淚滿裳。漾漾動行舫。亭亭遠相望。離晨苦須臾。獨往

道路長，蕭條風雨過。得此海氣涼。鍾云得此二字妙。感秋  
意已違，况自結中腸。推道固當遣，及情豈所忘。鍾云  
古何時共還歸，舉翼鳴春陽。

鍾云悲厚。

○秋集罷還途中作謹獻壽春公黎公

鍾云自處處人謙厚真率。

束帶自衡門，奉命宰王畿。君侯枉高鑒，舉善掩瑕  
疵。斯民本已安，工拙兩無施。鍾云善於立言何以酬明德。  
歲晏不憐緇。鍾云古道時節乃來集，欣懷方載馳。平明  
大府開，一得拜光輝。溫如春風至，蕭若嚴霜威。羣

屬所載瞻而忘倦與饑公堂燕華筵禮罷復言辭  
將從平門道憩車澧水濱山川降嘉歲草木蒙潤  
滋孰云還本邑懷戀獨遲遲

○善福精舍示諸生

湛湛嘉樹陰清露夜景沈悄然羣物寂高閣似陰  
岑方以玄默處豈爲名跡侵法妙不知歸獨此抱  
冲襟齋舍無餘物陶器與單衾諸生時列坐共愛  
風滿林鍾云收得  
悠然颯然

○寄郴州韓司戶郎中

遠識與昧機智跡同靜鍾云齊物至理  
難在十字說盡於焉得

携手屢賞清夜景。蕭灑陪高詠。從容羨華省。一逐  
風波遷。南登桂陽嶺。舊里門空掩。歡遊事皆屏。悵  
望城闕遙。幽居時序永。春風吹百卉。和煦變閭井。  
獨悶終日眠。篇書不復省。唯當望雨露。霑子荒遐  
境。

○寄全椒山中道士

今朝郡齋冷。忽念山中客。澗底束荆薪。歸來煮白  
石。欲持一瓢酒。遠慰風雨夕。落葉滿空山。何處尋  
行跡。

鍾云此等詩妙處在工拙之外。

○送令狐岫宰恩陽

大雪天地閉。羣山夜來晴。居家猶苦寒。子有千里行。鍾云。行行安得辭。荷此蒲壁榮。賢豪爭追攀。飲餞出西京。樽酒豈不歡。暮春自有程。離人起視日。僕御促前征。逶遲歲已窮。當造巴子城。和風被草木。江水日夜清。從來知善政。離別慰友生。

○答暢校書當

鍾云亦以其氣韻淳古處似陶不在效其清響。

偶然棄官去。投跡在田中。日出照茅屋。園林養愚。



蒙雖云無一資。罇酌會不空。且忻百穀成。仰嘆造  
化功。鍾云原出入與民伍。作事靡不同。時伐南澗竹。  
夜還澧水東。貧蹇自成退。豈爲高人蹤。覽君金玉  
篇。彩色發我容。日日欲爲報。方春已徂冬。

○暮相思

鍾云覺多一字不得。○譚云俱在言外。  
朝出日不還。暮歸花盡發。豈無終日會。惜此花間  
月。空館忽相思。微鐘坐來歇。

○授衣還田里

公門懸中令。泔濯遂其私。晨起懷愴恨。野田寒露

時氣收。天地廣。風淒草木衰。山明始重疊。川淺更  
透迤。煙火生閭里。禾黍積東菑。終然可樂業。時節  
一來斯。

○林園晚霽

鍾云每於庸常語意着數虛字回旋。便覺  
便警。此陶詩秘法也。

雨歇見青山。落日照林園。山多煙鳥亂。林清風景  
翻。提携唯子弟。蕭散在琴言。同遊不同意。耿耿獨  
傷魂。寂寞鐘已盡。如何還入門。

○登西南岡。卜居遇雨。尋竹浪。至澧壩。繫帶數

里清流茂樹雲物可賞

登高創危構。林表見川流。微雨颯已至。蕭條川氣秋。下尋密竹盡。忽曠沙際遊。紆直水分野。綿延稜盈疇。寒花明廢墟。樵牧笑榛丘。雲水成陰澹。竹樹更清幽。適自戀佳賞。復茲永日留。

○觀田家

微雨衆卉新。一雷驚蟄始。田家幾日閒。耕種從此起。諺云。蟄動則農事起。丁壯俱在野。場圃亦就理。歸來景常晏。飲贊西澗水。俄効不自苦。膏澤且爲喜。倉廩無宿儲。苗役新未已。方慙不耕者。祿食出閭里。鍾云。慙字。

人得  
厚

○遊開元精舍

鍾云最深最細細則幽

夏衣始輕體遊步愛僧居果園新雨後香臺照日

初綠陰生畫靜孤花表春餘鍾云妙語妙情草野  
殘鶯知夏淺可爲的

對○譚云表  
字思路甚微符竹方爲累形跡一來疎

○東郊

吏舍跼終年出郊曠清曙楊柳散和風青山澹吾

慮依叢適自想緣澗還復去微雨靄芳原春鳩鳴

何處樂幽心屢止鍾云與藥餌情  
所止止字同想遵事跡猶遽終

龍斯結廬慕陶真可庶

○澄秀上座院

鍾云幽事寫得深。便無清態。

繚繞西南隅。鳥聲轉幽靜。秀公今不在。獨禮高僧影。林下器未收。何人適煮茗。

○曇智禪師院

鍾云非不幽。幽不足以言之。

高年不復出。門徑衆草生。時夏方新雨。果藥發餘榮。踈淡下林景。流暮幽禽情。身名兩俱適。獨此野寺行。

○幽居

貴賤雖異等，出門皆有營。獨無外物牽，遂此幽居情。微雨夜來過，不知春草生。鍾云：竹中元化。青山忽已暝，鳥雀繞舍鳴。時與道人偶，或隨樵者行。自當安蹇劣，誰謂薄世榮。

○寓居永定精舍

政拙忻罷守，閒居初理生。鍾云：真火真事，真語。家貧何由往，夢想在京城。野寺霜露月，農興羈旅情。聊租二頃田，方課子弟耕。眼暗文字廢，身閒道心精。卽與人羣遠，豈謂是非嬰。

○對春雪

蕭屑杉松聲，寂寥寒夜慮。州貧人吏稀，雪滿山城曙。春塘看幽谷，棲禽愁未去。開闢正亂流，寧辨花枝處。

○種藥

好讀神農書，多識藥草名。持繅購山客，移蒔羅衆英。不改幽澗色，宛如此地生。鍾云二語不獨言種，植之法兼得其趣。其理及井既蒙澤，揮援亦扶傾。陰賴夕房斂，陽條夏花明。悅翫從茲始。譚云有情有興在此三案。日夕遶庭行。州民自寡訟，養閒非政成。

○種瓜

譚云心口無飾

率性方鹵莽。理生尤自踈。今年學種瓜。園圃多荒蕪。衆草同雨露。新苗獨矜如。直以春拮迫。過時不得鋤。田家笑枉費。日夕轉空虛。信非吾儕事。且讀古人書。

○送別覃孝廉

思親自當去。不第未蹉跎。家住青山下。門前芳草多。秭歸通遠徼。巫峽注驚波。州舉年年事。還期復幾何。



○送隗廣落第歸揚州

下第常稱屈，少年心獨輕。

鍾云：此語又拜觀歸海。

畔似身得詩名晚，對青山別遙。尋芳草行。

譚云：無聊中寫。

出開還期應不遠，寒露濕蕪城。

○秋夜寄丘二十二員外

懷君屬秋夜，散步詠涼天。山空松子落，幽人應未

眠。

○謝令狐司錄善福精舍見贈

野寺望山雪，空齋對竹林。我以養愚地，生君道者心。

○答東林道士

紫閣西邊第幾峰。茅齋夜雪虎行蹤。遙看黛色知何處。欲出山門尋暮鐘。

盧綸

○同吉中孚夢桃源

鍾云只六句境趣理俱在內而皆指不出妙至於此

春○雨○夜○不○散○夢○中○山○亦○陰○雲○中○碧○潭○水○路○暗○紅○花○  
林○花○水○自○深○淺○無○人○知○古○今○  
鍾云十字渾淪無處可入

○送顧秘書獻書後歸岳州

黃葉落不盡蒼苔隨雨生。當軒置樽酒送客歸江  
城。竹裡聞機杼舟中見弟兄。岳陽賢太守應爲改  
鄉名。

○送姨弟裴均尉諸暨

相悲得成長。同是外家恩。舊業廢三畝。弱年承一  
門。城開山日早。吏散渚禽喧。東閣謬容止。予心君  
莫言。鍾云  
宋作

鍾云升極處便動人

○送渭南崔少府歸徐郎中幕

葉下山邊路。行人見自悲。鍾云如此  
何須深夜寒逢雪處。

日暖到村時語少心常苦愁深醉自遲。缺

羨有幕中期。

○春日山中憶崔峒吉中孚

延步愛清晨。空山日照春。密房那有主。石室自無隣。泉急魚依藻。花繁鳥近人。誰言失徒侶。唯與老相親。鍾云老相親接徒。苦楚便切而慘。

○首冬寄河東昭德里書事貽鄴損倉曹

清冬和暖天老鈍。晝多眠日愛闌。巷靜每聞官吏賢。鍾云厚語。寒蕝供家食。腐葉宿厨煙。且復執杯酒。無煩輕議邊。

○偶宿山寺憶暢當

深山夜雪晴。坐憶曉山明。讀易罷三卷。彈琴當五  
更。薜蘿枯有影。崑壑凍無聲。譚云二語正是憶友不知者以爲寫景。  
此夕一相望。君應知我誠。鍾云朴至此。

○宿程上人院

竹。窻。開。遠。水。月。出。似。谿。中。譚云清境無痕。香。覆。經。年。火。幡。  
飄。後。夜。風。性。昏。知。道。晚。學。淺。喜。言。同。鍾云道盡千古小儒。  
一悟歸身處。何山路不通。

○題李沆林園

古巷牛羊出。重門接柳陰。閒看入竹路。自有向山

心鍾云靜者獨見之言種藥齊幽石耕田到遠林願同詞賦  
客得典謝家深

過司空曙村居

南北與山隣蓬巷庇一身繁霜疑有雪枯草似無人  
遂性在耕稼所交唯賤貧何言張掾做每重德璋親

○秋夜同暢當宿藏公院

禮足一垂淚醫王知病由譚云語有根器風螢方喜夜露

槿已傷秋鍾云二語似只說秋夜耳然願以兒童

愛每從仁者求將祈竟何得滅跡在緇流

○同薛存誠登棲岳寺

衰寒步難前，上山如上天。塵泥來自晚，猿鶴到何先。  
譚云靜想萬壑應孤磬，百花通一泉。  
鍾云語有幽光蒼蒼此明月，下界正沈眠。

○送夏侯校書歸華陰別墅

山前白鶴村，竹雪覆柴門。候客定爲黍，務農因燎原。  
乳冰懸暗井，蓮石照晴軒。貰酒鄰里睦，曝衣塲圃暄。  
依然望君去，余性亦何昏。

○號州逢侯釗同尋南觀因贈別

鍾云氣恬節細

相見。離。惆。悵。應。憐。貴。廢。官。過。深。慙。祿。在。識。淺。頓。慙。  
寬。獨。失。耕。農。業。同。思。弟。姪。歡。衰。貧。羞。客。過。卑。束。會。  
君。難。放。鶴。登。雲。壁。澆。花。繞。石。壇。興。還。江。海。上。跡。在。  
是。非。端。林。密。風。聲。細。山。高。雨。色。寒。悠。然。此。中。別。寶。  
僕。亦。關。干。

○ 謝李叔度秋夜喜相遇因傷關東寮友喪逝

見贈

寒。月。照。秋。城。秋。風。泉。澗。鳴。  
鍾云哀樂之感  
便寓此十字中過。時。見。

蘭。蕙。獨。夜。感。衰。榮。酒。散。同。移。席。  
心悲似遠行

外有是相  
通時說話以。愚。求。作。友。何。德。敢。稱。兄。谷。變。波。長。急。



松枯藥未成，恐看新鬢色。怯問故人名，野澤雲陰散。荒原日氣生，羈飛本難定。非是惡弦驚。

鍾云悲喜二字寫得深渾便不堪。

○代員將軍罷戰歸舊里贈朔北故人

結髮事疆場，全生俱到鄉。連雲防鐵嶺，同日破漁陽。牧馬胡天晚，移車磧路長。枕戈眠古戍，吹角立繁霜。歸老勛仍在，酬恩虜未忘。獨行過里邑，多病對農桑。雄劍依塵案，陰符寄藥囊。空餘麾下將，猶逐羽林郎。

○秋暮中夜獨坐遲明因陪陳翊郎中晨謁上

公因書卽事兼呈同院諸公

風。淒。露。泫。然。明。月。在。山。巔。獨。倚。古。庭。樹。仰。看。深。夜。

天。鍾。云。孤。靜。只。似。山。中。詩。

葉。翻。螢。不。定。蟲。思。草。無。邊。南。舍。澹。

杆。發。東。方。雲。景。鮮。箕。裘。肅。已。整。車。騎。儼。將。前。百。箴。  
拱。數。戟。萬。夫。尊。一。賢。琳。瑯。多。謀。蘊。律。呂。更。相。宣。晚。  
桂。香。灑。露。新。鴻。晴。滿。川。熙。熙。造。功。化。穆。穆。唐。堯。年。  
頽。已。草。回。賤。誓。心。金。匪。堅。蹇。辭。慙。自。寡。渴。病。老。難。  
痊。書。此。更。何。問。邊。韶。唯。畫。眠。

○和。李。舍。人。昆。季。詠。冬。瑰。花。寄。贈。徐。侍。郎。

獨。鶴。寄。煙。霜。雙。鸞。思。晚。芳。舊。陰。依。謝。宅。新。豔。出。蕭。

月言歸  
十一  
十  
墻蝶散播輕露鶯銜入夕陽。鍾云娟秀之句雨朝勝濯錦  
風夜劇焚香。斷日千層艷。孤霞一片光。密來驚葉  
少動處覺枝長。布影期高賞。留春爲遠方。譚云深情語。  
當聞贈瓊玖。叨和愧升堂。

○晚到蓋座耆老家

老翁曾舊識。相引出柴門。苦話別時事。因尋谿上  
村。數年何處客。今日幾家存。冒雨看禾黍。逢人憶  
子孫。亂藤穿井口。流水到籬根。惆悵不堪住。空山  
月又昏。

鍾云只似一句。

○和李中丞謝萬年房署少府過汾州景雲觀

因以寄上房與李早年同居此觀

顯晦澹無迹。賢哉常晏如。如何警孤鶴。忽乃傳雙  
魚。叙以泉石舊。悵然風景餘。低回青油幕。夢寐白  
雲居。玉洞桂香滿。雪壇松影疎。沈思屬仙侶。紆組  
正軍書。積學早成道。感恩難遂初。梅生諒多感。歸  
止豈吾廬。

○送吉中孚校書歸楚州舊山

下淮風自急。樹杪分郊邑。送客隨岸行。離人出帆  
立。

鍾云只寫景到極像處情便難堪。

○其二

林昏天未曙，但向雲邊去。暗入無路山，心知有花處。

譚云別情說向幽景上去情更深。

○送暢當還舊山

鍾云調古甚入絕句尤難。

常逢明月馬塵間，是夜照君歸處山。山中松桂花發盡，頭白屬君如等閒。

○古艷詩

殘妝色淺鬢鬟開，笑映朱簾覩客來。推醉唯知弄  
花鈿，潘郎不敢使人催。譚云：驕癡溫存盡此二語。

○其二

自拈裙帶結同心，暖處偏知香氣深。鍾云：細語乃所以為豔情。  
愛捉狂夫問閒事，不知歌舞用黃金。鍾云：妙在此句。若不相干，深思之，驕癡在口。

顧況

○在滁苦雨歸桃花，嶼傷親友略盡。

廢氣恭殘生後來，亦先天。鍾云：恭字亦字，便可傷。詩人感風

雨，長夜何時曉，去國宦情無。近鄉歸夢少，庇身絕

中、援、甘、靜、忘、外、擾、麗、景、變、重、陰、洞、山、空、木、表、靈、潮、  
若、可、通、寄、謝、西、飛、鳥、

○弋陽縉中望仙人城

何、草、乏、靈、姿、無、山、不、孤、絕、我、行、雖、云、蹇、偶、勝、聊、換、  
節、上、界、浮、中、流、光、響、洞、明、滅、鍾云與曉、禽、曝、霜、羽、  
寒、魚、依、石、髮、自、有、無、還、心、隔、波、望、松、雪、

○烏啼曲

玉、房、掣、鎖、聲、翻、葉、銀、箭、添、泉、霜、遶、堞、畢、連、撥、刺、日、  
銜、城、八、九、雛、飛、其、母、驚、此、是、天、上、老、鷓、鳴、我、聞、老、  
鷓、無、此、聲、搖、風、雜、珮、耿、華、燭、夜、聽、羽、人、彈、此、曲、東、

方瞳矐赤日旭

○范山人畫山水歌

山嶢嶢。水泓澄。漫漫汗汗。一筆耕一草。一木棲神。  
明。忽如空中有物。物中有聲。復如遠道望鄉客。夢  
繞山川身不行。鍾云題外異想。細思之。却又切題。妙在此也。

○李湖州孺人彈箏歌

武帝昇天留法曲。淒清掩抑絃柱促。上陽宮人怨。  
青苔此夜想夫憐。碧玉思婦高樓刺。壁窺愁猿叫。  
月。鸚呼兒寸心十指有長短。妙入神處無人知。獨  
把梁州几幾拍。風沙對面胡秦隔。聽中忘却前溪



碧醉後猶疑邊草白。

○李供奉彈箜篌歌

鍾云慢聲緩節。貴有微語。居要便覺。冗易處可略。

國手樂府彈箜篌。赤黃條索金銙頭。早晨有叅鴛鴦。嫩夜靜。遂歌明月樓。起坐可憐。能抱撮大指。調絃中指撥腕頭。花落舞裂製手下。鳥驚飛撥刺珊瑚。席一聲一聲鳴錫錫。羅綺屏一絃一絃如撼鈴。急彈好。遲亦好。宜遠聽。宜近聽。左手低。右手舉。易調移音。天賜與。大絃似秋鴈。聯聯度隴關。小絃似

春燕喃喃向人語，手頭疾腕頭軟。來來去去如風卷，聲清泠泠鳴索索。垂珠碎玉空中落，美女爭窺玳瑁簷。聖人卷上真珠箔，大絃長小絃短。小絃緊快大絃緩，初調鏘鏘似鴛鴦。水上弄新聲，入深似太清。仙鶴遊秘館，李供奉儀容質。身材稍稍六尺一，在外不曾輒教人。鍾云裕重得妙內裏聲聲不遣出，指剝葱腕削玉。饒鹽饒醬五味足，弄調人間不識名。彈盡天下崛竒曲，胡曲漢曲聲皆好。彈着曲髓盡肝腦，往往從空入戶來。瞥瞥隨風落，春草草頭只覺風吹入。風來草即隨風立，草亦不知風到來。風

亦不知聲緩急。藝玉燭點銀燈。光照手。實可憎。譚云

寄情無謂。只照筵篔絨。上手不照筵篔聲。裏能。鍾云能字妙在

落得不礙。馳鳳闕。拜鸞殿。天子一日一迴見。王侯將相

立馬迎。巧聲一日一迴變。實可重。不惜千金買一

弄。銀器胡瓶馬上馱。瑞錦輕羅滿車送。此州好手

非一國。一國東西盡。南北除却天上化。下來若向

人間實難得。

○春草謠

春草不解行。隨人上東城。正月二。月色綿綿。千里

萬里傷人情。

鍾云妙在不添一語。

○露清竹鞭

鍾云小小題諷刺慷慨胸中有故莫作詠物看。

鮮于仲通正當年章仇兼瓊在蜀川約束蜀兒操馬鞭蜀兒採鞭不敢眠橫截斜飛飛鳥邊。繩橋夜上層崖巔頭插白雲跨飛泉採得馬鞭長且堅。溼漚丁子珠聯聯灰糞蠟揩光爛然章仇兼瓊持上天上天雨露何其偏飛龍開廐馬數千朝飲吳江夕秣燕紅塵撲轡汗濕羈獅子麒麟聊比肩江面

昆明洗刷牽四蹄踏浪頭併天蛟龍稽潁河伯虔  
柘羯胡雛脚手鮮陳閔韓幹丹青妍欲貌未貌眼  
欲穿金鞍玉勒錦連乾騎入桃花楊柳煙十二樓  
中奏管絃樓中美人奪神仙爭愛大家把此鞭祿  
山入關關破年忽見揚州北邙前祇有人還千一  
錢亭亭筆直無皺節磨將形相一條鐵市頭格是  
無人別江海賤臣不拘縛垂鞞掛影西窻缺稚子  
覓衣桃仰穴家童拾薪幾拗折玉潤猶沾玉壘雪  
碧鮮似染長弘血蜀帝祠邊子規咽相如橋上文  
君絕往往策馬降至尊七盤九折橫劍門穆王八

駿超崑崙安用冉冉孤山根。聖人不貴難得貨。金玉珊瑚誰買恩。

○困一章

困哀閩也。困音蹇。閩俗呼子爲困。父爲郎罷。

困生閩方。閩吏得之。乃絕其陽。爲臧爲獲。致金滿屋。爲髡爲針。如視草木。天道無知。我懼其毒。神道無知。彼受其福。鍾云。寬號滿紙。郎罷別困。吾悔生汝。及汝既生。人勸不舉。不從人言。果獲是苦。困別郎罷。心摧血下。隔地絕天。及至黃泉。不得在郎罷前。譚云。纒繞。

之音絕

是樂府。

是樂府。

卷之三

三

鍾云以其俚朴反近風雅。

○山僧蘭若

絕頂茅庵老此生。寒雲孤木伴經行。世人那得知  
幽徑。遙向青峰禮磬聲。

唐詩歸卷第二十七目錄

中唐三

耿漳

之江淮留別京中親故

題莊上人房

過三郊驛却寄楊

評事時此子郭令公欲有表薦

春日即事

夜尋盧處士

留別解縣韓明府

寒蜂採菊藥

仙山行

王建



留別舍弟

送同學故人

田家留客

春去曲

鏡聽詞

射虎行

送人遊塞

杜中丞書院新移

小竹

新嫁娘

宮詞六首

李端

九日贈司空文明

題從叔流林園

送宋校書赴宣州幕

送張淑歸觀叔父

題元注林園

長安書事寄盧綸

聽事

嚴維

白雲陽歸晚泊陸澧宅

酬諸公宿鏡水宅

李益

與僧法振同賦應門照綠苔

罷鏡

入南山金師蘭若

送同落第東歸

合源溪期張計不

至

江南詞

答廣宣供奉問蘭陵居

從軍北征

權德輿

題嚴陵釣臺

月夜江行

豐城劍池驛

司空曙

擬百勞歌

留盧泰卿

江村卽事

戎昱

漢上題韋氏莊

于鵠

秦越人洞中詠

途中寄楊涉

惜花

春山居

遊瀑泉寺

送遷客

古詞三首

崔峒

登蔣山開善寺

江南回逢趙驩因

送任十一赴交城主簿

羊士諤

息舟荆溪入陽羨南山遊善權寺呈李功

曹

暢當

居山居酬韋蘇州見寄

天柱隱所重答江州應物

釣渚亭

宿潭上

姚係

楊叅軍莊送宇文邈 秋夕會友

送陸渾主簿趙宗儒之任

李湛

興福寺

唐詩歸卷二十七目錄

終

唐詩歸第二十七卷

景陵

鍾惺伯敬父

選定

古吳劉

駁典生父重訂

中唐三

耿漳

○之江淮留別京中親故

長雲迷一雁。漸遠向南聲。

鍾云此聲字落得甚妙

已帶千霜

鬢。初爲萬里行。繁蟲滿夜史。連雨暗秋城。前路諸

侯貴。何人重客卿。

題莊上人房

不語焚香坐，心知道已成。  
流年衰此世，定力見他生。  
暮雪餘春冷，寒燈獨晝明。  
尋常五侯至，敢望下階迎。

○過三郊驛却寄揚評事時此子郭令公欲有表薦

冉冉青衫客，悠悠白髮人。  
亂山孤驛暮，長路百花新。  
終歲行他縣，全家望此身。  
更思君去就，譚云語意鄭重

在去就二字早晚問平津

春日即事

鄉里朝光遍，披衣夜醉醒。  
庖厨非舊火，林木發新青。  
接果移天性，鍾云：項項細爽，下濡厚重如此。疏泉逐地形。  
清明來幾日，戴勝已堪聽。

夜尋盧處士 一作丘爲

月高鷄犬靜，門掩向寒塘。  
夜竹深茅宇，秋庭冷石牀。  
佳山年已遠，服藥壽偏長。  
虛弃如吾者，逢君益自傷。

留別解縣韓明府

聞人州縣厭賤士，友朋譏諱云：深於遊道之朔雪逢初下。  
秦關獨暮歸，寒茅下原淺。  
殘雨過風微，一路何相



慰唯君能政稀

○寒蜂採菊蕊

遊。颺。下。晴。空。尋。芳。到。菊。叢。帶。聲。來。蕊。上。連。影。在。香。  
鍾云帶聲細甚下句之  
中。鍾云帶聲細甚下句之  
妙却又在香中三字去住霑餘霧。高低順過。  
風。諱云順  
字細終。慚。異。蝴。蝶。不。與。夢。覓。通。

○仙山行

深溪人不到。杖策獨緣源。花落尋無徑。鷄鳴覺近。  
村。數。翁。皆。藉。少。對。奕。復。傾。樽。看。畢。初。爲。局。歸。逢。幾。  
世。孫。雲。迷。入。洞。處。水。別。出。山。門。惆。悵。歸。城。郭。樵。柯。  
迹。尚。存。

王建

○○留別舍弟

鍾云至真至閒元氣到底。

孤賤相長育。未曾爲遠遊。誰不重歡愛。晨昏闕珍

羞出門念衣單。草木當窮秋。鍾云只說草木人非

疾有憂歎實爲人子尤。世情本難合對面隔山丘。

况復于支地。懦夫何所投。鍾云語悲原似老杜與爾俱長成。

尚爲溝壑憂。豈非輕歲月。少小不勤修。譚云自非以下原

及出門離別之故。却似貢備追答語別情更深從今解思量。勉力謀善猷。

伊得成爾身。衣食寧我求。固合受此訓。墮慢爲身

羞歲暮當歸來。慎莫懷遠遊。

○送同學故人

鍾云一段交情。覺同學少年多不賤語欠厚。

各爲四方人。此地同事師。業成有先後。不得長相隨。出林多道路。緣岡復遶陂。念君辛苦行。令我形體疲。黃葉墮車前。四散當此時。亭上夜蕭索。山嵐水離離。

○田家留客

鍾云似直述田父口中語不添一字

人客少能留我屋。客有新漿馬有粟。遠行僮僕  
苦飢。新婦厨中炊欲熟。不嫌田家破門戶。蠶房新  
泥無風土。行人但飲莫畏貧。明府上來可苦辛。丁  
寧回語屋中妻。有客勿令兒夜啼。雙家直西有縣  
路。我教丁男送君去。

○春去曲

春已去花亦不知。春去處。譚云綠岡繞澗却歸來。

百迴看着無花樹。就中一夜東風惡。收紅拾紫無

遺落。老夫不比少年兒。不中數。與春別離。鍾云不

用俗語妙

○鏡聽詞

重重摩挲嫁時鏡。鍾云嫁時二字有意。夫婿遠行憑鏡聽，回

身不遣別人知。人意丁寧鏡神聖，懷中收拾雙錦

帶，恐畏街頭見。驚怪嗟嗟，嗒嗒下堂階。獨自窺前

素跪拜，出門願不聞悲哀。郎在任郎回，未回月明

地上人過盡。好語多同，皆道來。鍾云口尚情事在日卷帷上

床喜定定，與郎裁衣矣。翻正可中三日得相見。重

繡鏡囊磨鏡面。

○射虎行

自去射虎得虎歸。官差射虎得虎遲。獨行以死當。

虎命兩人相疑終不定。朝朝暮暮空手回。山下綠  
苗成道徑遠立不教汗箭鏃聞死還來分虎肉惜  
留猛虎着深山射殺恐畏終身閒。鍾云寫出健兒情形  
遷事寫一招狀。

○送人遊塞

初晴天墮絲。晚色上春枝。城下路分處。邊頭人去  
時。停車數行日。勸酒問回期。亦是茫茫客。還從此  
別離。

○杜中丞書院新移小竹

此地本無竹。遠從山寺移。經年求養法。隔日記澆。  
時嫩綠。卷新葉。殘黃收故枝。色經寒不動。聲與靜。  
相宜。愛護出常數。稀稠看自知。貧家緣未有。客散  
獨行遲。

鍾云從一段辛勤寫出幽性。

○新嫁娘

三日入厨下。洗手作羹湯。未諳姑食性。先遣小姑  
嘗。

○宮詞

羅衫葉葉繡重重。金鳳銀鵝各一叢。每過舞時分

兩向太平萬歲字當中。鍾云事淺而甚。

○其二

城東北面望雲樓，半下珠簾半上鉤。騎馬行人長遠過，恐防天子在樓頭。

鍾云二首寫出女郎解事承應光景。

○其三

射生宮女宿紅粧，請得新弓各自張。臨上馬時齊賜酒，男兒跪拜謝君王。

鍾云爽而媚。

○其四



私縫黃帔捨釵梳，欲得金仙觀內居。近被君王知  
識字，收來案上檢文書。

○其五

水中芹葉土中花，拾得還將避衆家。總待別人般  
數盡，袖中拈出薔金芽。

○其六

鍾云王建宮詞非宮怨也。此首微有怨意。  
然亦深。

樹頭樹底見殘紅，一片西飛一片東。自是桃花會  
結子，鍾云解得前句錯教人恨五更風。

李端

○九日贈司空文明

我有慷慨詞待君醉時說。譚云便悲長來逢九日難與  
菊花別。橫却正開花。誓言花未發。

○題從叔漉林園

阮宅閒園暮。窗中見樹陰。樵歌依遠少。僧語過  
林鳥。上花間。井人彈竹裏琴。自嫌身未老。已有  
山心。

○送宋校書赴宣州幕

浮舟歷芳中。鍾云看容齋逐江春。遠避看書吏。行

當入幕賓夜潮衝老樹。曉雨破輕蘋。鴛鴦多傷別。  
樂家德在人。鍾云收得法老。

送張淑歸覲叔父

日慘長亭暮。天高大澤閒。風中聞少木。雪裏見江山。  
馬向寒雲去。人隨古道還。阮家今夜樂。應在竹林間。

○題元注林園

謝家門館似山林。碧石青苔滿樹陰。乳鵲啼巢花  
巷靜。鳴鳩鼓翼竹園深。桔槔轉水兼通藥。方丈留  
僧共聽琴。獨有野人筇屐慣。過君始得一長吟。

○長安書事寄盧綸

弱冠家廬岳，從師歲月深。翻同老夫見，殊寡少年心。及此時方晏，因之名亦沈。超途非要路，避事樂空林。素業在山下，清泉當樹陰。交遊有凋喪，離別代追尋。向秀初聞笛，鍾期久罷琴。殘愁猶滿貌，餘淚可沾襟。勿以朱顏好，而忘白髮侵。終期入靈洞，相與鍊黃金。

○聽事

鳴箏金粟柱，素手玉房前。欲得周郎顧，時時誤拂絃。

巖維

○自雲陽歸晚泊陸澧宅

天陰行易晚，前路故人居。孤棹所思久，冒寒相見初。  
鍾云真境中。通出妙語。閒燈忘夜永，清漏任更疏。明發還須去，離家幾歲除。

、酬諸公宿鏡水宅

幸免低頭向府中，貴將藜藿與君同。陽雁叫霜來  
枕上，寒山映月在湖中。詩書何德名夫子，粵木推  
年長數公。鍾云謙而帶嘲。聞道漢家偏長少，此身那此訪

芝翁。

李益

○與僧法振同賦應門照綠苔

官上何年月，應門何歲苔。

鍾云問出悲感來。

清光一以照

白露共徘徊。珠履又行絕，玉房重未開。妾心正

此，譚云三字不說出，清事無限。

昭陽歌吹來。

譚云來字，落得凄然。

○罷鏡

手中青銅鏡，照我少年時。衰颯一如此，清光難復

持。欲令孤月掩，從遣半心疑。縱使逢人見，猶勝自

見悲。

鍾云情甚。

○入南山金師蘭若

木墮水歸壑。寂然無念心。譚云老衲  
涅槃語。南行有真子。  
被褐息山陰。石路瑤步散。松門寒景深。吾師亦何  
後。自起定中吟。

鍾云骨調森。渾不減岑李。

○送回洛第東歸

東門有行客。落日滿前山。聖代誰知者。滄州今獨  
還。片雲歸海幕。流水背城閒。余亦依嵩潁。松花深  
閉關。

○合源溪期張計不至

鍾云細響清和。

霜露肅時序。緬然方獨尋。暗溪遲山侶。寒澗聞松禽。寂歷茲夜永。清明秋序深。微瀾澹澄夕。烟景含虛林。素志久淪否。幽懷方自吟。

○江南詞

嫁得瞿唐賈。朝朝悞妾期。早知潮有信。嫁與弄潮兒。

鍾云。荒塘之想。寫怨情却真切。

○答廣宣供奉問蘭陵居

居北有朝路。居南無住人。勞師問家第。山色是南鄰。



譚云口傳家信寫出成詩便是。

○從軍北征

鍾云全是王龍標氣調。

天山雪後海風寒。橫笛偏吹行路難。磧裏征人三十萬。一時回首月中看。

權德輿

○○題嚴陵釣臺

鍾云千古特識具眼以厚力深骨出之○  
譚云說出處士深心妙用嚴陵知己。

絕頂聳蒼翠。清湍石磷磷。先生晦其中。天子不得

臣。心。靈。棲。顛。元。斬。冕。猶。緇。塵。不。樂。禁。中。臥。却。歸。江。  
上。春。潛。驅。東。漢。風。日。使。薄。者。醇。焉。用。佐。天。子。持。世。  
報。故。人。則。知。大。賢。心。不。獨。便。其。身。弛。張。有。深。致。匪。  
釣。陶。天。真。此。鐘。云。止。奈。何。清。風。後。擾。擾。論。庸。卑。交。情。  
同。市。道。利。欲。相。紛。綸。我。行。訪。遺。臺。節。古。懷。逸。民。所。  
繳。鴻。鵠。遠。雪。霜。怙。桂。新。江。流。去。不。窮。山。色。凌。秋。昊。  
人。世。自。今。古。清。輝。照。無。垠。

○月夜江行

扣。舷。不。能。寐。浩。露。清。衣。襟。彌。傷。孤。舟。夜。遠。結。萬。里。  
心。幽。興。惜。瑤。少。素。懷。寄。鳴。琴。三。奏。月。初。上。寂。寥。寒。

江深。

鍾云情深而古。

○豐城劍池驛

龍劍管未發。泥沙相埋藏。向非張茂先。孰辨斗牛  
光。神物不自遠。鍾云說得有品聖賢亦彷徨。我行豐城野  
忼慨心內傷。

鍾云單用後四語作一詩。更於題情深賦  
有餘。

司空曙

○擬百勞歌

米絲鈕絃金點襪，雙蒂芙蓉共開合。誰家雅女著  
羅裳，紅粉青眉嬌暮粧。木犀作牀牙作席，雲母屏  
風光照壁。玉瀨年幾新上頭，回身歛笑多自羞。紅  
銷月落不復見，可惜當年誰拂面。鍾云真細  
心體貼人。

○留盧秦卿

知有前期在，難分此夜中。無將故人酒，不及石尤  
風。

鍾云情語帶噴，妙妙。

○江村即事

罷釣歸來不繫船，江村月落正堪眠。縱然一夜風

吹去只在蘆花淺水邊

鍾云達甚

戎昱

○漢上題韋氏庄

結茅同楚客，卜築漢江邊。  
日落數歸鳥，夜深聞扣舷。  
水痕侵岸柳，山翠借厨烟。  
調笑提筐婦，春來蠶幾眠。

鍾云六句以後皆以幽事寫出閒情

于鵠

○秦越人洞中詠

鍾云洞壑詩不難于幽奇而難於渾淪須

有一片理氣行於其間。

扁鵲得仙處，傳是西南峰。年年山下人，長見騎白  
龍。洞門黑無底，日夜唯雷風。清齋將入時，戴星兼  
抱松。石徑陰且寒，地響知遠鍾。似行山林外，聞葉  
履聲重。底礙更俯身，漸遠晝夜同。時時白蝙蝠，飛  
入茅衣中。行久路轉窄，靜聞水淙淙。但願逢一人，  
譚云三守寫出幽境自得朝天宮。

途中寄楊涉

蕭蕭蘆荻晚，一徑入荒陂。日色雲收處，蛙聲雨歇  
時。前村見來久，羸馬自行遲。聞作王門客，應閒白

接離

○惜花

夜來花欲盡。始惜兩三枝。早起尋稀處。閒眠記落  
時。鍾云說得惜字。出。却不露惜字。藥焦蜂自散。蒂折蝶還移。攀著  
殷勤別。明年更有期。

○春日山居

獨來多任性。惟與白雲期。深處花閒盡。遲眠人不  
知。水流山暗處。風起月明時。鍾云當境語。過後想不出。望見南  
峰近。年年嬾更移。

、遊瀑泉寺

日斜尋未過。古木寺高低。粉壁猶遮嶺，朱樓尚隔溪。厨牕通澗鼠，殿跡立山鷄。更有無人處，明朝獨向西。

○送遷客

得罪誰人送。來時不到家。白頭無侍子。多病向天涯。鍾云四語若甚。却是作遷客之法。安命守義。俱在其內。蒼莽凌江水。黃昏見塞花。如今賈誼賦。不漫說長沙。

○古詞三首

素絲帶金地。窓間掬飛塵。偷得鳳皇釵。門前乞行人。



○其二

新長青絲髮啞啞言語黠。隨人敲銅鏡。街頭救明月。

○其三

東家新長兒。與妾同時生。並長兩心。孰鍾云與兩。語異而情。到大相呼名。小無嫌猜

鍾云三詩皆以極近情事。發出古調。乃是真古。

崔峒

○登嵩山開善寺

山殿秋風裏，香風出翠微。客尋朝磬食，僧背夕陽歸。下界千門見，前期萬事非。看心兼送目，葭莢暮依依。

○江南回逢趙曜因送任十一赴交城主簿

江上長相憶，因高北望看。不知携老幼，何處度艱難。屈指同人盡，傷心故里殘。遙憐驅匹馬，白首到微官。

羊士誇

○息舟荆溪入陽羨南山遊善權寺呈李功曹  
結纜蘭渚曉，紫崑上連岡。晏溫值初霽，去遶山河

長獻歲冰雪盡，細泉在路傍。行披烟杉入，激瀾橫石梁。  
層閣表精廬，飛甍切雲翔。冲襟得高步，鍾云深秀語清眺。極遠方潭嶂，積佳氣。萸英多早芳，具覲澤國秀。  
重使春心傷，念遵煩促途。榮利驚隙光，勉君脫冠意，共匿無何鄉。

暢當

鍾云此君詩少，而別有清骨妙情。

○居山居酌韋蘇州見寄

孤茅泄烟處

譚云泄烟二字形容荒破入微

此中山叟居親雲寧

有事耽酒詎知余，水定鶴翻去。松歌峰儼如，鍾云由事

奇語猶煩使君問。更欲結環廬。

○天柱隱所重答江州應物

寂莫一悵望。秋風山景清。此中惟少色。翻意見人

行。

鍾云清思妙語

荒徑饒松子。深蘿絕鳥聲。陽崖全帶日。

寬嶂偶遙耕。拙昧難容世。貧寒別有情。煩君瓊玖贈。幽嶺百無成。

○釣渚亭

花發多遠意。鳧有閒情。遲暉耿不暮。平江寂無聲。

○宿潭上

夜潭有仙舸與月當水中嘉賓愛明月遊子驚秋風。

姚係

○揚叅軍莊送宇文邈

秋雲月原照野鳥滿林聲愛此田舍事稽君車馬程離堂慘不喧脉脉復盈盈蘭葉一經霜香綃爲贈輕燈光耿方寂蟲思隱餘清鍾云由細相望忽無際如含江海情。

○秋夕會友

倦客易相失歡遊無良辰

諱云魏晉人五言深微之想

忽然一

夕間。稍慰闔家貧。白露下庭梧。孤琴始悲辛。鍾云始  
接得有迴風入幽戶。蟲響滿四鄰。會遇更何時。持  
思理。杯重殷勤。

○送陸渾主簿趙宗儒之任

山中眇然意。此意乃平生。鍾云十字一氣。舍吐無端。常日望鳥  
隼。遙對洛陽城。故人吏爲隱。懷此若蓬瀛。夕氣冒  
岩上。晨流瀉岸明。存忘區中事。影響羽人情。溪寂  
值猿下。雲歸聞鶴聲。及茲春始暮。花萼正明榮。會  
有攜手日。悠悠去無程。

李湛

○興福寺

雲門十里長。殿塔明朝陽。半夜風雨至。滿山松桂香。清猿嘯遠樹。好鳥鳴虛廊。塵土期可濯。胡爲語滄浪。

鍾云側調清急。